



Qaratsap aanaartoorneratigut timip ilaanik nukillaartoornermik nappaatillit siunnerfilimik aaqqissuussaalluurtunik aammalu ataqatigiissarneqartunik sungiusaanissanik ingerlatsinissani iliuusissatut pilersaaruteqarnissat pillugit Naalakkersuisut kingusinnerpaamik UPA 2016-imi Inatsisartunut aalajangiiffigisassatut siunnersuusioqquneqarnissaannik siunnersuut.

(Inatsisartunut ilaasortaq, Agathe Fontain, Inuit Ataqatigiit)

Inuit Ataqatigiit nuannaarutigivarput qaratsakkut aanaartoornerup kinguneranik timikkut nukeerunnikut pillugit Agathe Fontain naalakkersuisut iliuusissamik pilersaarusoqqusinera.

Timikkut nukeerussimasut sungiusarneqarnissaat pingaaruteqarluinnarpoq. Sungiusarneqartariaqarput inuunermut nalinginnaanerusumut peqataatileqqikkumallugit imaluunniit suliffimmut utersinnaanngortikkumallugit. Ullumikkummi takusinnaavarput inuit amerlasuut aanaartoorsimanertik pequtugalugu imaluunniit allatut ajoqusersimanertik pequtugalugu pisinnaasakillillutik sulisinnaanngitsut. Ilaammi aaqqissukkamik sungiusarneqarnermikkut pillorissineqarsinnaagaluar mata immaqalu suliffimminnut utersinnaassagaluarlutik.

Aaqqissukkamik sungiusarneqannginnerup kingunerigajuppaa inuutissarsiorsinnaajunnaarneq, taamalu siusinaartumik suliunnaarnersiuteqalertarneq.

Aaqqissukkamik sungiusarneqannginnerup aamma kingunerisarpaa inuup timikkut sanngiilisimasup napparsimakulalersinnaanera, taamaammallu peqqinnissaqarfimmut saaffiginnittuartaqarluni.

Tamakku ataatsimut isigalugit takusinnaavarput qanoq ataqatigiissaakkamik sungiusartariaqarnerup pingaaruteqartiginera, inummut nukeerussimasumut, ilaqutaasunut inuiaqatigiinnullu.

Inuit Ataqatigiinni nuannaarutigaarputtaaq pisussaaffiliisumik Naalakkersuisut isumaqatigiisutaanni allaqqammat inuit tamarmik Peqqinnissaqarfimmiit sukkasuumik, unneqqarissumik ataqqinnittumillu sullinneqassasut. Nukeerussimasummi sungiusaqqittariaqartullu sukkasuumik unneqqarissumik ataqqinnittumillu sullinneqartariaqarput.

Taama oqaaseqareerluta taajumavarput timikkut nukeeruttarneq assigiinngitsuniit aallaveqarsinnaammat. Niaqqukkut ajoqusernikkut, allatulluunniit ajoqusernikkut tamanna pisinnaavoq.

Timi nukeerutsillugu pingaaruteqarluinnarpoq ajoqusernerup kinguninngua sukkanerpaamik sungiusarnerup aallartinnissaa. Tassanittaaq pingaaruteqarpoq ajoquseritoq nukittorsartariaqagaq kisiat pinnagu sungiusaasoqarnissaa. Qanigisaasut, ilaqutaasut sungiusaaqqinnermi peqataatinneqarnissaat pingaaruteqarluinnarpoq. Tassami taakkuupput ulluinnarni nukittorsagassamik najuisut, kaammattuillutillu tapersersortaa sinnaasut.

Inuit akornuserlutik timikkut tarnikkullu akornusersimanermikkut pisinnaasakillisimasut sungiusaqqinneqarnerat tassaassaaq assigiinngitsutigut iliuuseqarluni pitsanngortinniagassaaq. Iliuusissat ilagissavaat pisinnaasanik qaffaasaanissaq, qasujaallisaanissaq pinertusaanissarlu, timikkut, malugisaatsikkut, inoqateqarnikkut tarnikkullu sungiusagassaaq. Inunnik sungiusaaqqinnikkut inuit pisinnaasakillisimasut sakkussinneqassapput inooqataaleqqinnissamut, namminerlu inuunermik aqutseqqilersinnaanermut kiffaanngissuseqarnermullu.

Inuit qaratsamikkut aanaartoorsimallutik allakkulluunniit ajoquserlutik nukittorsarneqarnissamut pisariaqartitsilersut napparsimaveqarfimmiit katsorsartereernerup, sungiusaanerullu

siulliup qaangiunnerani sungiusaqqinnissaminnik pisariaqartitsisarput. Sungiusarnej tassaaga-juttarpoq inuunerup sinnerani ingerlatassaq.

Maannakkutuut napparsimaveqarfiup sungiusagassaq iperaraangagu, napparsimasorlu angerlaraangat uninngatiinnarneqarsinnaasarpoq, taamalu inooqataanermut alloriaqqinngitsoorsinnaasarluni.

Taamaamat siunnersuuteqartup isumaa naapertorlugu sungiusarnejartarnej ataavartinneqartussa qilersaarusiorneqartariaqarpoq. Pilersaarusiame Inuit Ataqtigii pingaartipparput sungiusarfissamik pilersaarusiornermi qaratsamikku aanaartoorlutik nukillaartoornermik nappaatillit saniatigut allat aamma ajoqusernermikku nukillaarnermik nappaateqalernikut ilanngunneqassasut.

Taama iliornikkut qanoq ikkaluamik timimikkut nukillaarsimasut nukittorsaqqinneqarsinnaasullu aqqissuussaalluurtumik aammalu ataqtigiissaarneqartumik sungiusarnejarnissaannik ingerlatsinissani iliuusissatut pilersaarutip imaqtarnissaa pingaartillugu siunnersuut taperserparput.

Naalakkersuisunittaaq kommunit suleqtiginissaata pingaaruteqarnera taajumallugu.